


# Siloo Ka Taa Alla Yaa





© 2013, World Missionary Press, Inc. Bukoo ñaatiŋo la nataaloo, Edwin B. Wallace. Meryl Esenwein, nataali fulanjanjo anij mennu be leeroolu 10, 12, 14, 16, 27, 29, 39, 41, 42, 44, 46, 47, anij 48. Bible text from Mandinka Bible, Kamberj Kutoo, ©1989.

# **ALLA LE YE ÑIŃ DUNIYAA DAA ANIŃ 1** **NIILAMAA FEŃOLU MUUMEE**

**“Foloo-foloo Alla ye saŋo aniŋ bankoo daa.”**

–1 Musa 1:1

**“Kaatu feŋolu bee, mennu be arijana kono, aniŋ mennu be duniyaa kono, ì ka mennu je, aniŋ ì buka mennu je, wolu bee daata ka bo niŋ ate le la.”**

–Kolosiyankoolu 1:16a

**“Alla maa Maariyo neema la i ma, meŋ ye saŋo aniŋ bankoo daa, ate le taa mu saŋo niŋ saŋ fatoolu bee ti; bari bankoo a ye wo dii hadamadiŋolu le la.”**

–Jabuura 115:15, 16

Duniyaa timmata le nuŋ, waatoo meŋ na Alla ye a dii hadamadiŋo la. Ñiŋ bukundiŋo karan, ka kuwo kisikisi meŋ keta.



“Alla kumata ko: ‘Ali Ŋà moo daa M̄ faŋolu sawuroo la, anij ì la kuwo be muluŋ na le komeŋ M̄ faŋolu. Itolu le be baakono ñewolu mara la, . . . duniyaa bee.’ ” —1 Musa 1:26

## **HADAMADIŊO NAATA KE NII BALUURIŊO TI 3**

**“Bituŋ Yaawe Alla naata bankumunkoo doo taa, a ye Adama daa a la. A ye baluwo niijiyo foŋoo fee a nuŋ huwolu kono. Bituŋ \*Adama ye a dati ka baluu.”** –1 Musa 2:7

**“Bituŋ Yaawe Alla kumata ko: ‘A maŋ beteyaa Adama doron ye tu a faŋ ye. M be kafuŋoomaa daa la a ye le, ka ke a maakoyilaa ti.’ Bituŋ Yaawe Alla naata Adama siiondi, siinoo kuliŋ baa la. Bituŋ a ye a karakulu kiliŋ bondi. Wo karakuloo meŋ a ye a bondi, a ye balasuboo seyi a noo to. Yaawe Alla ye karakuloo meŋ bondi Adama bala, a ye wo le daa musoo ti. A ye a samba naŋ Adama ye.”**  
–1 Musa 2:18, 21, 22

\*Ñ si ñiŋ kumoo yelemendi noo le ko: Adama keta noora baluuriŋo le ti. “Noora baluuriŋo” kotoo mu ñiŋ ne ti ko a si tara noo dulaa doo to le fo abadaa.

# ADAMA NIŊ HAWA YE ALLA LA YAAMAROO SOOSOO



Ɔ maŋ ñaŋ na ñ tuloolu loo la Seetaanoo la kumoo la.

**“Yaawe Alla ye Adama taa, a ye a ke Edeni naakoo 5  
kono, ka dookuwo ke jee, aniŋ ka a la kuwo hakilitu.  
Bituŋ Yaawe Alla naata Adama yaamari ko: ‘I si yiridiŋo  
siifaa bee domo noo naakoo ñiŋ kono le. Bari yiroo meŋ ka  
kuu jawoo niŋ kuu betoo londoo dii, kana wo domo. Niŋ  
luŋo meŋ i ye ñiŋ yiroo diŋo domo, i be faa la wo luŋ faŋo  
le la.’ ”**

–1 Musa 2:15-17

I KA SAA LE KUMANDI IBILIISA LA WARAN SEETAANOO, A  
YE ÑININKAROO KE ALLA LA YAAMARI KUMAKANJO LA,  
ANIŋ A YE FANIYAA FO.

**“Bari saa ko musoo ye le ko: ‘Ali te faa la.’ Wo le to birin  
musoo ye a je ko, yiridiŋo ñiŋ beteyaata le ka a domo, aduŋ  
a be ñaaboo daa le to, aniŋ yiroo ñiŋ na kuwo be lafoo daa  
le to ka ñaameŋo dii moo la, a ye a diŋo taa, a ye a domo.  
Bituŋ a ye doo dii a keemaa la,... Bituŋ wo fanaa ye a  
domo.”**

–1 Musa 3:4, 6

# ADAMA NIŋ HAWA MAŋ NAA SABATI NOO NAAKOO KONO KOTENKE



“Yaawe Alla ye a bayi ka bo Edeni naakoo kono ka taa senoo la bankoo kaŋ, ate faŋo bota meŋ bala. A ye kerubimu malaayikoolu le londi . . . aniŋ tamboo meŋ ka munta dimbaa . . . Ninnu ka siloo le kanta, meŋ ka taa yiroo to, meŋ ka baluwo dii.”

–1 Musa 3:23b, 24b



**WO KETA SUNU LUŊO LE TI HADAMA-  
DIŊOLU YE WAATOO MEŊ NA ADAMA  
NIŊ HAWA YE JUNUBOO KE**

7



**“Silan, moo kilin ne ye a tinna, junuboo dunta duniyaa kono, adun junuboo le ye saayaa saabu. Wo le ye a tinna saayaa naata hadamadinolu bee kan.”** –Roomankoolu 5:12a

**Hakiloo ñanta bula la kuwo meŋ na**

**Moo-wo-moo** ka wuluu nin junube daajikoo le la anin a be faa la le lun doo, kaatu saayaa naata ka bo nin junuboo le la. (Roomankoolu 5:12 karan kotenke.)

## **8 ALLA LA FEEROO KA NTOLU KIISA JUNUBOO KONO, WO LE MU KA A DINKEE KILIŊO KII NAŊ**



**“A be dinkewo le wuluu la, adun i be a toolaa la YEESU le la, kaatu ate le be a la moolu kiisandi la ka bo ì la junuboolu kono.”** —Matiyu 1:21

Ka dun mooyaa kono, Alla Dinkewo naata le, a wuluuta ko hadamadin deenaano.

**“Alla mankutoo be Kiristu kono le timmarinke balajaatoo kono.”** —Kolosiyan koolu 2:9

# **YEESU MU ALLA LE TI — A NAATA 9**

## **HADAMADIŊO LA MULUŊO LA**

**“Foloodulaa to Kumoo sotota nuŋ, aduŋ Kumoo be nuŋ Alla fee le. Aduŋ Kumoo mu Alla le ti. Bituŋ wo Kumoo naata ke hadamadiŋo le ti, aduŋ ate naata tara ñ kono.”**

**—Yohana 1:1, 14a**

**“Ñiŋ bee keta le ka Maariyo la kumoolu timmandi, . . . : ‘A fele, sunkutu keelombaloo be konoo taa la, aduŋ a be dinkewo le wuluu la. Aduŋ ì be a kumandi la Imanuweli le la, meŋ kotoo mu, Alla be ntolu fee le.’ ”** —Matiyu 1:22, 23

**“Kaatu deenaanoo wuluuta ntolu ye le, dinkewo diita ntolu la le; aniŋ mansayaa be tara la a kabakunkuŋo kaŋ. Aduŋ a too be kumandi la Kaawakuwo le la, Yaamarilaa, Alla Taalaa, Badaa-badaa Faamaa, Kayiroo la Mansoo.”**

**—Yesaya 9:6**

# YEESU KIRISTU — NTOLU LA LEEYAŋ TIMMARIŋO

**“Kiristu nene maŋ junuboo ke.”** –2 Korintiyankoolu 5:21a

**“Ate nene maŋ junuboo baa-  
ra.”** –1 Pita 2:22a

Hadamadiŋo nene maŋ leeyaŋo  
(saada) bo, meŋ TIMMATA ka junu-  
boo bondi.

**“Kaatu a mu kuu bembaloo le  
ti ko tuuraalu niŋ baakotoŋolu  
yeloo si junuboolu bondi noo  
le.”** –Hiburunkoolu 10:4

Yeesu mu Alla la Saajiiriŋo le ti.

**“A fele, ñiŋ ne mu Alla la Saajiiriŋo ti, meŋ ka duniyaa  
la junuboo bondi!”** –Yohana 1:29b



# YEESU YE A NIYO DII KA NTOLU KIISA 11

Yeesu pempenta yiribantambilo kaŋ, kaatu moo jawoolu ye a koŋ ne. Bari a la saayaa mu Alla la feeroo le ti. Yeesu ye a niyo landi a fansuŋ lafoo le la ka ite niŋ nte kiisa ñ na junuboolu kono.

Yeesu ko, **“Moo te a [n niyo] taa noo la nte bulu, bari nte faŋo le ye a landi. Nte ye semboo soto le ka a landi, aniŋ ŋa semboo soto ka a taa kotenke.”**  
—Yohana 10:18a

**NTOLU TANKATA KA BO NIŋ ALLA LA SAAJIIRIŋO YELOO LE LA**

**“...Alitolu maŋ tanka niŋ feŋolu la, menna ka kasaara ko kodi foroo niŋ sanoo....Bari alitolu tankata Kiristu ye le ñiimaa le la, meŋ keta nuŋ leeyaŋo ti ko saajiyo, meŋ maŋ sootaaroo soto waraŋ lanjuuroo.”**  
—1 Pita 1:18, 19

**LEEYAŋ KOTEŋ TE JUNUBOO BONDI NOO LA**

**“Ntolu seneyandita le ka bo niŋ Yeesu Kiristu baloo la, a ye meŋ dii ko leeyaŋo siiŋaa kiliŋ waatoolu bee la.”**

—Hiburunkoolu 10:10b

**12** “...A yeloo ye ò tilindi [Alla ye m̀ muta le moo tilindinolu tì],... a be ò tankandi la Alla la kamfaa ma le.”

“Yeesu, i si i hakiloo  
bula n na, niŋ i dunta i  
la mansabaayaa kono.”

–Luka 23:42b



Ñiŋ sunjo  
laata Yeesu  
la le, adun  
a kiisata le.

“Tooña, ña  
a fo i ye ko  
bii i niŋ nte  
be tara la  
arijana kono.”

–Luka 23:43b



Ñiŋ sunjo  
man laa  
Yeesu la,  
wo le ye a  
tinna a man  
kiisa.

“Tumoo meŋ na, m̀ mu junubelaalu [Alla la yaamari muta-  
baloolu] ti, Kiristu faata ò ye.”

–Roomankoolu 5:8b

**MOO-WO-MOO, MEN LAATA ALLA DINKE- 13  
WO LA, YE BADAA-BADAA BALUWO SOTO LE**

**“Kaatu Alla ye duniyaa kanu le, fo a ye a  
Dinkee kiliŋo dii, fo moo-wo-moo, men  
laata a la, a te kasaara la, bari a si  
badaa-badaa baluwo soto.”**

**–Yohana 3:16**

**“Ate le ye m̀ bondi diboo semboo kono, a ye n̄ samba  
a Dinkee Kanuntewo la mansabaayaa kono. Aduŋ [a  
yeloo le ye a tinna], n̄a tankandiroo soto a la kafuñoo-  
yaa kono. Wo kotoo mu junubekafaroo le ti.”**

**–Kolosiyanƙoolu 1:13, 14**



“Aduŋ malayikoo ko musoolu ye ko: ‘Ali kana sila, kaatu nte ye a loŋ ne ko ali ka Yeesu le ñini, ì ye meŋ pempeŋ yiriban-tambiloo kaŋ. A maŋ tara jaŋ, kaatu a wulita saayaa kono le, ko a ye a fo ñaa-meŋ. Ali naa wo dulaa juubee, a tarata laariŋ daamento.’”

—Matiyu 28:5, 6



## **YEESU WULITA NAŊ KA BO SAAYAA KONO 15**

**“Aduŋ m be baluuriŋ. M faata le nuŋ, bari a juubee, saayiŋ m be baluuriŋ fo abadaa. Aduŋ ŋa saayaa aniŋ furewolu la dulaa [jahanama] caaboolu soto le.”** –Lankenemayaa 1:18

**“Baawo nte be baluuriŋ, alitolu fanaa be baluu la le.”**  
–Yohana 14:19b

Baawo Kiristu ye saayaa semboo tiŋaa le, aduŋ a ye saayaa caaboolu taa le, ntolu maŋ ñaŋ na sila la saayaa la kotenke.

**“Niŋ n silata waatoo meŋ na, m be dankeneyaa la ite le la.”**  
–Jabuura 56:3

(Leera 46 juubee fo i si Alla la laahidoo je.)

## **YEESU SI I KIISA NOO LE ADUŊ A BE DUWAA KAŊ I YE LE**

**“Bari Yeesu ye pirisiyaa le soto, meŋ nene te baŋ na, kaatu a be baluuriŋ ne fo abadaa. Wo le ye a tinna Yeesu ka moolu kiisa noo, mennu ka naa Alla kaŋ ka bo niŋ ate la, kaatu a be baluuriŋ ne fo abadaa ka duwaa ì ye.”** –Hiburunkoolu 7:24, 25

# ITE NIŋ NTE SI BADAA-BADAA BALUWO SOTO NOO LE



**ITE be sila jumaa le  
kaŋ?**

Yeesu Kiristu le mu SI-  
LOO ti ka taa badaa-  
badaa BALUWO kono,  
meŋ be Alla fee.

Ibiliisa waraŋ Seetaanoo  
le mu siloo ti ka ta badaa-  
badaa SAAYAA kono.

Ŋiŋ kambaanoo ye tombondiri kendoo le ke ka taa badaa-  
badaa baluuwo kono.

# **I BE JUMAA LE TOMBOŃ NA? 17**

**“...Ali a fo bii, ali be meŋ tombon̄ na ka a batu....”**

**–Yosuwa 24:15**

**“Saayin̄, ali si baluwo tombon̄, fo ali nin̄ ali la kooma-lankoolu si baluu.”**

**–5 Musa 30:19b**

## **YEESU MU SILOO LE TI KA TAA BADAA-BADAA BALUWO KONO**

**“Aduŋ kiisoo te soto la moo doo kono, kaatu too doo maŋ tara duniyaa bee kono, meŋ diita moolu la, ñ si kiisa noo meŋ na.”**

**–Taarikoo 4:12**

**“Nte, nte doron̄, ne mu Maariyo ti, aduŋ Kiisandirilaa doo te jee nte koolaa.”**

**–Yesaya 43:11**

# 18 MUŊ NE YE A TINNA NTOLU ÑANTA YEESU TOMBOŊ NA, NIŊ NTOLU LAFITA BADAA-BADAA BALUWO LA?

## 1. *Ate le mu Kiristu ti meŋ naata.*



“...Nte naata le, fo ì si baluu tooña soto....”  
—Yohana 10:10

## 2. *Ate le mu Kiristu ti meŋ ye ñ kanu aniŋ meŋ faata ñ ye.*

“Alla Dinkewo... ye n kanu, aniŋ a ye a faŋo dii n na.”  
—Kalesiyankoolu 2:20b

Yeesu keta moo ti, meŋ ye balajattoo niŋ yeloo soto ko meŋ ntolu. “**Ka bo niŋ a la saayaa la, a si Ibiliisa kasaara noo, meŋ ka semboo muta saayaa kunto. Wo siloo**

**la, Yeesu ye wo moolu firin, mennu be sitirin jonyaa 19**  
**kono ì la baluwolu bee kono, kaatu ì silata saayaa**  
**le la.”** –Hiburunkoolu 2:14b, 15

**3. *Yeesu yeloo doron ne mu fejo ti men si ò na junu-***  
***boolu seneyandi noo.***

**“Yeloo le mu fejo ti men ka niyo tanka [ka yamfoo so-**  
**to].”** –3 Musa 17:11

**“Alla Dinkewo Yeesu yeloo ye ò seneyandi le ka bo ju-**  
**nuboo bee la.”** –1 Yohana 1:7b

**“Aduj [a yeloo le ye a tinna], òà tankandiroo soto a la**  
**kafuñooyaa kono. Wo kotoo mu junubekafaroo le ti.”**  
–Kolosiyankoolu 1:14



**4. Ate le mu Kiristu ti meŋ wulita ka bo saayaa kono.**

**“Ŋà a loŋ ne ko Alla ye Kiristu wulindi ka bo furewolu kono, aduŋ a te faa la kotenke. Aduŋ saayaa maŋ semboo soto a kunto kotenke.”**

–Roomankoolu 6:9

**“Aduŋ a faata moolu bee le ye, fo moolu, mennu be baluuriŋ, wolu kana baluu ì faŋolu ye kotenke, bari ì si baluu ate ye, meŋ faata ì la kuwo kamma la, aniŋ a wulindita saayaa kono.”**

–2 Korintiyankoolu 5:15

Yeesu ko, **“Baawo nte be baluuriŋ, alitolu fanaa be baluu la le.”**

–Yohana 14:19b

**5. Ntolu ñanta Kiristu la Nooro soto la ñ kono le 21**  
**ka wuli ka taa badaa-badaa baluwo kono (ka**  
**baluu fo abadaa).**

**“Kiristu be ali kono le, ate le mu ali la waroo niŋ**  
**horomoo la jikoo ti.”** –Kolosiyan koolu 1:27b

**“Aduŋ niŋ Alla la Nooro be sabatiriŋ ali kono, meŋ**  
**ye Yeesu wulindi ka bo furewolu kono, wo to ate, meŋ**  
**ye Kiristu Yeesu wulindi ka bo furewolu kono, be balu-**  
**wo fanaa dii la ali baloolu la le, menna be faa la. Aduŋ**  
**Alla be ñiŋ ke la ka bo niŋ a la Nooro le la, meŋ be**  
**sabatiriŋ ali kono.”** –Roomankoolu 8:11

**I SI DANKENEYAA KO KIRISTU LA NOOROO BE**  
**SABATIRIŋ I KONO LE**

**“Moo, meŋ maŋ Kiristu la Nooro soto, wo maarii maŋ**  
**ke Kiristu taa ti.”** –Roomankoolu 8:9b

## 22 YEESU YE DINDIŋOLU BEE LE KANU



“Bituŋ a ye a sisifaa ì  
la. A ye a buloolu laa  
ì kaŋ, a ye barakoo  
dii ì la.”

—Maaka 10:16

“Yeesu ye n kanu, ŋa a lonŋ ne, kaatu Alla la Kumoo ye wo  
le fo n ye.”



**“Wo to le Yeesu ye dindiŋolu kumandi a kaŋ. A ko a 23  
la saayiboolu ye ko: ‘Ali dindiŋolu bula, fo ì si naa n kaŋ,  
kana ì bali, kaatu Alla la mansabaayaa mu ñinnu siifaalu  
le taa ti.’ ”**  
–Luka 18:16

**“Wo ñaa kiliŋo la, a maŋ ke ali Faamaa la lafoo ti, meŋ be  
arijana kono, ko hani kiliŋ si kasaara [fili fo abadaa] ñiŋ din-  
diŋolu kono.”**  
–Matiyu 18:14

A maŋ kummaayaa ite mu jumaa le ti waraŋ ite be sabatiriŋ  
minto le, Yeesu ye i kanu le aniŋ a faata i ye le. Yeesu lafita i  
la kanoo la le fanaa. Ite si i la kanoo yitandi noo Yeesu la ka  
bo niŋ a la yaamari mutoo le la.

**“Hani dindiŋo faŋo maañaa ka tinna le, moolu ye a daaji-  
koo loŋ.”**  
–Kuma kotomaalu 20:11a

**“Niŋ ali ye nte kanu, ali be n na yaamaroolu muta la le.”**  
–Yohana 14:15

# 24 I BE SILOO LOŊ NA ÑAAMEŊ KA TAA ALLA YAA

1. *Sonj ko ite mu junubekelaa le ti. (leera 7 juubee.)*

“Kaatu moo bee le ye junuboo ke, aduŋ moolu bee dasata Alla la waroo niŋ semboo la le.”

–Roomankoolu 3:23

2. *Naa Alla kaŋ ka bo niŋ Yeesu Kiristu la.*

“Kaatu Alla kiliŋ ne sotota, aniŋ teemafolaa kiliŋ ne sotota Alla niŋ moolu teema, meŋ mu kewo Kiristu Yeesu ti.”

–1 Timoti 2:5

“Wo le ye a tinna Yeesu ka moolu kiisa noo, mennu ka naa Alla kaŋ ka bo niŋ ate la.”

–Hiburunkoolu 7:25a

Yeesu ko, “Aduŋ wo maarii, meŋ naata nte kaŋ, tooña, nte te a bayi la muumeeke.”

–Yohana 6:37b

### 3. *Tuubi i la junuboolu la.*

(Tuuboo kotoo mu ka “niitooroo soto baa-ke fo a ye a tinna a ye junuboo bula.”)

“Ali tuubi, ali ye ali koolu dii ali la junuboolu la, aduŋ ali si muru Alla kaŋ, fo ali la junuboolu si tuutuu.”


—Taarikoo 3:19b

“Maariyo...muñata alitolu ye le, aduŋ a maŋ lafi moo-wo-moo ye fili, bari ko moo bee ñanta a koo dii la junuboo la le.”

—2 Pita 3:9

### 4. *Tuubiseyi i la junuboolu la Yeesu ye.*

(Tuubiseyoo kotoo mu ka a “fo” waraŋ ka “soŋ” ko i ye junuboo le ke.)



“Niŋ ñ ka tuubiseyi ñ na junuboolu la, Alla foroyaata le, aniŋ tilinta le. Aduŋ ate be yamfa la ñ na junuboolu la le.”

—1 Yohana 1:9a.

**26** 1 Yohana 1:9a, i ye meŋ je safeeriŋ buloo bala leera  
25, a safee nuunewolu kaŋ mennu be duuma.

---

---

---

---

**5. *I koo dii i la junuboolu la.***


(Koodiyo kotoo mu ka a “bula” waraŋ ka “fata a ma” le ti.)

**“Moo, meŋ ka a la junube kuwolu maabo, te ñaatotaa  
soto la, bari moo-wo-moo, meŋ tubiseyita aniŋ a ye a  
koo dii a la junuboolu la, be balafaa soto la le.”**

–Kuma Kotomaalu 28:13

**“Fata kuu jawoo ma, aduŋ kuu betoo ke.”**

–Jabuura 37:27a



**6. *Laa Yeesu  
Kiristu la.***

**27**

**“Niŋ ite ye a seedeyaa ko Yeesu mu Maariyo le ti, aduŋ ite laata i sondomoo kono ko Alla le ye a wulin-di ka bo furewolu kono, wo to ite be kiisa la le.”**

**—Roomankoolu 10:9b**

**“Laa Maarii Yeesu la, aduŋ ite be kiisa la i niŋ i la bun-kononkoolu.”**

**—Taarikoo 16:31b**

**“Ali kiisata ka bo niŋ Alla la hiinoo la aniŋ lannoo. Kiisoo maŋ bo ali bulu. A mu Alla la sooroo le ti. Ali la baaroolu te ali kiisa la, fo moo te kibiri noo la.”**

**—Efesiyankoolu 2:8, 9**

## 28 7. Yeesu Kiristu muta i sondomoo la anij i la baluwo kono.



Ite dammaa le si i sondomoo yele noo anij i si Yeesu buuñaatoo kum- andi noo fo a ye duɗ. Yeesu ko, “**A juubee, m be looriɗ bundaa to, anij ɗa a konkoɗ. Niɗ moo-wo-moo ye n kaɗo moyi, aduɗ niɗ a ye bundaa yele, nte be duɗ na a kono le. Aduɗ nte niɗ ate be domoroo ke la, aduɗ ate niɗ nte be domoroo ke la.**”

—Lankenemayaa 3:20

“**Bari wo moolu bee, menna ye ate muta, aduɗ ò laata a too la, ate ye siloo dii wo moolu le la ka naa ke Alla la dindiɗolu ti.**” —Yohana 1:12

Niŋ i nene maŋ duwaa koomanto aniŋ i suulata maakoyiroo la ka duwaa, i si ñiŋ duwaa nooma noo, meŋ be duuma ka i maakoyi.



**N Kanuntee Maarii Yeesu,**

**A baraka, i faata yiribantambiloo kaŋ ka n na junuboolu bondi. I si i hakoo tu n ye ŋa kuu jawoolu mennu muumee ke nuŋ. Ŋa i daani, dukaree i si duŋ n sandomoo kono, aduŋ i si tara n sandomoo kono fo abadaa. N laata i la saayiŋ-saayiŋ fo i si n sandomoo seneyaandi. Ŋa i muta le, i si ke m fansuŋ kiisandirilaa ti aniŋ n na Maariyo.**

**N duwaata i too la, Amiini.**

## 30 ITE TANKATA LE NIŋ YEESU BE I SONDOMOO KONO

“Alla ye badaa-badaa baluwo le dii nà na, aniŋ ñiŋ baluwo be a Dinkewo le kono. Wo kamma la, moo, meŋ ye Dinkewo soto, wo maarii ye wo baluwo le soto.” –1 Yohana 5:11b, 12a

“Moo, meŋ ye nte la kumoo moyi, aduŋ a laata wo maarii la, meŋ ye nte kii, wo maarii ye badaa-badaa baluwo soto le. ... a tambita le ka bo saayaa to ka taa baluwo to.”

–Yohana 5:24b

Niŋ i baloo faata, i be tara la Maariyo fee le (2 Korintiyankoolu 5:8). “**Kiristu be ali kono le, ate le mu ali la waroo niŋ horomoo la jikoo ti**” (Kolosiyanankoolu 1:27b).

Niŋ i ye Yeesu daani ka yamfa i la junuboolu la, aniŋ i laata Maarii Yeesu Kiristu la ko i la kiisandirilaa, i too safee duuma:

---



# I BE TENTEŊ NOO LA KA BULA YEESU NOOMA ÑAADI LE?

31



Aayoolu karanj ka bo Baayibuloo (Alla la kumoo) kono lunj-wo-lunj, anij i ye ì maabo i sandomoo kono ka bo nij aaya kummaalu tankaroo la mennu ka i maakoyi. (Aaya jamaalu le be ñij bukundiŋo kono.)

**“Alla la Kitaaboolu bee diita ka bo nij Alla la, adunj ì ye tine-wo soto karandiroo anij jalayiroo ye le. ì ka kuluu anij ì ye ni-ndiroo soto tiliŋo kono.”**

–2 Timoti 3:16

## DIYAAMU YEESU YE DUWAA KONO WAATI-WO-WAATI

*Tenturoo dii Yeesu la* ka bo niŋ feŋ betoolu bee la mennu be i la baluwo kono. ***Ate jayi*** kuwolu la a ye mennu ke i ye, aniŋ i niyo la tankoo la. ***Alla daani kuu-wo-kuu la i suulata meŋ na.*** Duwaa Maarii Yeesu too la.

“Niŋ ñà feŋ-wo-feŋ daani ka bo a la lafoo la, a ka ñ na duwaa moyi le.”

–1 Yohana 5:14b

“M Faama daani kuu-wo-kuu la nte too la, a be a dii la ali la le.”

–Yohana 16:23b

“... Ali duwaa ñoo ye ....”

–Yankuba 5:16

“Duwaa ì ye, mennu ka ite toora.”

–Matiyu 5:44b



# YEESU YE A LA SAAYIBOOLU KARANDI DUWAA MEŊ NA

33

(Saayiboo mu moo le ti meŋ ka bula Yeesu nooma.)  
Yeesu ye a la saayiboolu karandi duwaa la teŋ ne:

**“M Faama meŋ be arijana, i too ñanta horoma la le. I la mansabaayaa si naa, i la lafoo si ke duniyaa kono, ko a be arijana kono ñaameŋ. Domoroo dii ñ na luŋ-wo-luŋ. I si yamfa ñ na junuboolu la, ko m fanaa yamfata moolu ye ñaameŋ, mennu ye kuu kurunjo ke ntolu la. Kana ñ kenkenj marisakuwo kono, bari i si m bondi Seetaani bulu. [Kaatu ite le taa mu mansabaayaa ti, semboo aniŋ waroo fo abadaa, Amiini.]”**

—Matiyu 6:9b-13

I ñanta ñiŋ duwaa tanka la le. Yeesu noomalankoolu ka duwaa ñiŋ duwaa le la kaŋ kiliŋo la waati jamaa.

# 34 ALLA LA YAAMARI TAŃO KA NTOLU KARANDI BALUŃAA LA LE

(Musa la Kitaabu FulanjaŃo, hijibu 20)

*Luwaa Naanoo Mennu Foloota Wolu Ka Ntolu Yaamari  
Le Ka Alla Kanu*

1. “Kana alla-wo-alla batu nte koolaa.”
2. “Kana jalaŃo dedaa i faŃ ye, meŃ mulunta feŃ-wo-  
feŃ na . . . kana sujudi ì ye, waraŃ ka ì batu.”
3. “Kana Yaawe i la Alla too fo kensenke.”
4. “I hakiloo tu loobula luŃo la, aduŃ i si a muta luŃ  
buuŃaariŃ baa ti.”

*Luwaa Wooroo Mennu Labanta Wolu Ka Ntolu Yaamari Le  
Ka ÑoŃ Moolu Kanu*

## **ALLA LA YAAMARI TAŊO (TENTENTA) 35**

**5. “Horomoo dii i baamaa niŋ i faamaa la.”**

**6. “Kana moo faa.”**

**7. “Kana jeenoo ke.”** (Jeenoo mu kuu le ti meŋ maŋ daa kewo niŋ musoo teema.)

**8. “Kana suuñaaroo ke.”**

**9. “Kana faniyaa laa moo-wo-moo kaŋ.”**

**10. “Kana i ñaa loo moo doo la buŋo kaŋ.”**

### **ALLA LA YAAMAROO MUTOO LE KA NTOLU LA DUWAA JAABIROO SAMBA NAŊ**

**“Aduŋ ñà daanaroo ke feŋ-wo-feŋ na duwaa kono, m̀ be wo le soto la a bulu, kaatu ñ ka a la yaamaroolu muta le. Aduŋ ñ ka kuwolu le ke, menna ka a kontaani.”**

## 36 YAAMARI FULOO, MENNU WARATA Ì BEE TI

### *Alla Kanoo*

1. “Bituŋ Yeesu ko a ye ko: ‘Ite si Maariyo, i la Alla, kanu i sandomoo bee la, i niyo bee la anin i hakiloo bee la.’ Niŋ ne mu yaamari foloo ti anin yaamaroo, meŋ warata yaamaroolu bee ti.”  
—Matiyu 22:37, 38

### *Hadamadiŋo Kanoo*

2. “Aduŋ yaamari fulanjaŋo nin foloo mu kilin ne ti, ko, ‘ite si i siiŋoo kanu ko ite faŋo.’”  
—Matiyu 22:39

Alla la yaamari taŋ bee (leeroolu 34 anin 35) be niŋ yaamari fuloo le kono mennu warata ì bee ti.



**“Kanoo la Hijiboo” meɗ warata**

**(1 Korintiyankoolu 13:1-8, 13)**

**<sup>1</sup>Niɗ nte ka diyaamu moolu la kaɗolu la aniɗ malayikoolu la kaɗolu, bari nte maɗ kanoo soto, wo to nte mu jawaloo doron ne ti, meɗ kumakaɗo warata, waraɗ talaɗo, meɗ be kuma kaɗ. <sup>2</sup>Aduɗ niɗ nte ye Alla la kiilaariyaa foo sooroo soto ka bo niɗ ñaato kumafoo la, aniɗ nte ka kulloolu bee fahaamu, aniɗ ɗa londoo bee soto, aniɗ niɗ nte ye lannoo bee soto, meɗ si berekonkoolu wutundi noo, bari nte maɗ kanoo soto, wo to nte maɗ ke feɗ ti. <sup>3</sup>Aduɗ niɗ nte ye n na sotofeɗolu bee dii fuwaaroolu la, aniɗ nte ye m baloo dii ka jani, bari nte maɗ kanoo soto, wo to wo maɗ nte nafaa feɗ na. <sup>4</sup>Kanoo mu muño le ti aniɗ mooyaa. Kanoo maɗ ke kiiliyaa ti, a buka kibiri, aduɗ a maɗ ke faɗ waroo ti. <sup>5</sup>Kanoo maɗ ke kuluubaliyaa ti. Kanoo buka a**

**38** fansuŋ kuwo ñini. Kanoo buka tariyaa kamfaa la. Kanoo buka kuu jawoo muta a kono. <sup>6</sup>Kanoo buka seewoo soto jenkoo kono, bari a ka seewoo tooña le fee. <sup>7</sup>Kanoo ka muña kuwolu bee le la. Kanoo ka laa kuwo bee le la. Kanoo ka jiki kuwo bee la le. Kanoo ka wakiili kuwo bee le la. <sup>8</sup>Kanoo nene maŋ baŋ, bari Alla la kiilaariyaa foo sooro, meŋ ka bo niŋ ñaato kumafoo la, wo be baŋ na le. Ka diyaamu wandikaŋo kono, wo fanaa be baŋ na le. Niŋ londoo be jee, a be baŋ na le. <sup>13</sup>Aduŋ saayiŋ, ñiŋ feŋ saboolu le tuta jee: Lannoo, jikoo aniŋ kanoo, bari meŋ warata ñinnu bee ti, wo le mu kanoo ti.

## **ALLA MU KANOO LE TI**

“Alla mu kanoo le ti. Moo, meŋ tarata kanoo kono, wo maarii tarata Alla le kono. Aduŋ Alla tarata wo maarii kono le.”

—1 Yohana 4:16b



# YEESU LAFITA LE ITE YE A LA KUWO 39 SEEDYAA MOOLU YE

(suwo kono, karambuŋo to,  
coocoo to, daa-wo-daa)



Yeesu ko, “Taa i la  
moolu yaa. A fo ì ye,  
Maariyo ye menj ke ite  
ye, aniŋ a ye balafaa  
soto i ye ñaamenj.”

—Maaka 5:19b

# 40 ALLA LA DINDIŊ TOOÑAA SI LOŊ NOO ÑAAMEŊ


“Wo le ye a tinna ali be ì suutee la ì maañaalu la.” –Matiyu 7:20

“Bari Alla la Nooroo diŋo mu kanoo, seewoo, kayiroo, mu-  
ñoo, mooyaa, beteyaa, tiliŋo, sooneeyaa aniŋ faŋ mutoo le  
ti.” –Kalesiyankoolu 5:22, 23a

“Wo kamma la, niŋ ali yamfata moolu ye, mennu ye kuu ja-  
woolu ke ali la, wo to ali Faamaa, meŋ be arijana, fanaa be  
yamfa la ali ye le.” –Matiyu 6:14

## FEŊ WOOROWULOO, ALLA YE MENNU KOŊ

“Faŋ wara ñaalu, neŋ faniyaariŋo, buloolu mennu ye moo  
yeloo boŋ meŋ maŋ kuu jawoo ke, sondomoo meŋ ka feere  
jawoolu miira, siŋolu mennu ka tariyaa kuu jawoo kaŋ, se-  
denduroo meŋ ka faniyaa fo, aniŋ moo meŋ ka kambemba-  
liyaa fii baadinkewolu kono.” –Kuma kotomaalu 6:17-19



## BALAJAATOO LA DOOKUWOLU: 41


“... Jeenoo, laañooyaa tuluño, [laañooyaa menj keta futuubaloolu teema], ... jalambatoo, batuutaakuwo, konnanteyaa, ... kamfaa, ... fatandiroo, ... haasidiyaa, moofaa, siiroo, ... anij feñ doolu ... wo moolu, mennu ka ñij feñ siifaalu ke, ì te Alla la mansabaayaa soto la.”  
 –Kalesiyankoolu 5:19-21

“... Luutikankewolu, ... sunjolu, warañ moo haadumeriñolu.”  
 –1 Korintiyankoolu 6:9,10a

## YEESU BULA A YE I FANDI A LA NOOROO LA ANIJ A YE I SENEYANDI

“Alitolu doolu mulunta wo le ñaama nuñ. Bari ali kuuta le, ali seneyaata, ... Maarii Yeesu Kiristu too le la anij ñ na Alla la Nooroo la.”  
 –1 Korintiyankoolu 6:11

## 42 JAHANAMA MU DULAA LE TI MEŃ SOTOTA



(Luka 16:19-26 karan.)

I si dankeneyaa ko i laata Yeesu Kiristu la. A be i too safee la le, a la kitaaboo kono moo baluuriŋolu toolu be safeeriŋ daamen.

“Aduŋ moo-wo-moo, meŋ too maŋ safee kitaaboo kono, moo baluuriŋolu toolu be safeeriŋ daamen, wo maarii fayita dimbaa daloo kono le.”

– Lankenemayaa 20:15

# YEESU DOROŋ NE MU SILOO TI KA TAA ALLA YAA

43

**“Alla ye badaa-badaa baluwo le dii ñ na, aniŋ ñiŋ baluwo be a Dinkewo le kono.”** –1 Yohana 5:11b

**“Kaatu junuboo la joo mu saayaa le ti, bari Alla la soorifeŋo mu badaa-badaa baluwo le ti ka bo niŋ Kiristu Yeesu la, m̄ Maariyo.”** –Roomankoolu 6:23

**“Moo, meŋ laata Dinkewo la, wo maarii ye badaa-badaa baluwo soto le. Bari moo, meŋ maŋ Dinkewo la yaamaroo muta, wo maarii te badaa-badaa baluwo je la, bari Alla la kamfaa baa be tu la wo maarii kaŋ ne.”** –Yohana 3:36

**“Wo to le Yeesu ko a ye ko: ‘Nte le mu siloo ti, tooñaaniŋ baluu tooñaani. Moo-wo-moo te naa noo la m Faamaayaa, foniŋ a naata ka bo niŋ nte la.’ ”** –Yohana 14:6

## 44 ARIJANA MU DULAA LE TI MEŊ SOTOTA



Yohana ye arijana kutoo aniŋ duniyaa kutoo je le a la jeeroo kono Lankenemayaa hijibu 21 kono.

“ ‘Aduŋ a be ñaajiyolu bee fita ka bo ì ñaalu to le. Saayaa koteŋ te tara la jee. Woosiyo, kumboo waraŋ dimiŋo te tara la jee, kaatu kuu kotoolu tambita le.’ Aduŋ wo maarii, meŋ be siiriŋ wo mansasiirano kaŋ, ko: ‘A fele, ɗa kuwolu bee kutayandi.’ Bituŋ a ko: ‘Ñiŋ safee, kaatu ñiŋ kumoolu tilinta, aniŋ ì tooñaayaata le fanaŋ.’ ”  
–Lankenemayaa 21:4, 5

Yohana ye saatee jankuuriŋo fanaa je le, meŋ mu Yerusalemu kutoo ti, a be naakaŋ duuma ka bo naŋ Alla yaa arijana kono. “**Saatewo loota ka bo sani foroo le la ko weeri faramansiirano. Aduŋ saatewo tatoo fondamaŋolu ñarandita niŋ bere ñiimaa fasoŋo bee le la.**”  
–Lankenemayaa 21:18b, 19a

## **YEESU TAATA LE KA DINKIRAA PARENDI 45 MOOLU BEE YE MENNU LAATA ATE LA**

**“Ali sondomoolu kana toora. Ali laa Alla la, aduŋ ali ye laa nte fanaa la. M Faamaa la buŋo kono palaasi jamaa le be jee. Niŋ a maŋ ke wo ñaama, m be a fo la ali ye le nuŋ ko m be taa la ka dulaa parendi ali ye. Aduŋ niŋ nte taata ka dulaa parendi ali ye, nte be muru la naŋ ne. Aduŋ m be ali taa la le m faŋo fee, fo alitolu fanaa si tara, nte be daameŋ.”**

**–Yohana 14:1-3**

### **ÑIŊ KIBAARI BETOO FO MOO DOOLU YE**

Yeesu ko, **“Ali taa duniyaa bee kono. Ali ye kibaari betoo kawandi hadamadiŋolu bee ye.”**

**–Maaka 16:15b**

**“Moo, meŋ ka niyolu kañee, ñaamenta le.”**

**–Kuma kotomaalu 11:30b**

## 46 ALLA LA LAAHIDOOLOU A LA DINDIŊOLU YE

**“Nte nene te i fili la sako ka i bula.”** –Hiburunkoolu 13:5b

**“Kaatu a be kaŋo dii la a la malaayikoolu la le i la kuwo la,  
fo ò si i tanka i la siloolu bee kaŋ.”** –Jabuura 91:11

**“Moo te ò buusi noo la m Faamaa bulu.”**  
–Yohana 10:29b

**“Nte be tu la tara la ali fee le luŋ-wo-luŋ hani  
fo duniyaa dandulaa to.”** –Matiyu 28:20b

**“Kana sila tooroolu la, mennu be naa ite  
kaŋ. . . lte si tiliŋ, hannii ò be ite faa la le.  
Wo to le m be barajoo dii la i la, meŋ mu  
baluwo mansanaafoo ti.”**

–Lankenemayaa 2:10

**“I si m kumandi, aduŋ m be n danku la le.”**  
–Yeremiya 33:3a





*Moo-wo-moo* be wuli la le ka bo saayaa kono.

**“Waatoo be naa la le, waatoo meɲ furewolu, mennu bee be kaburoolu kono, ì be a kaɲo moyi la. Aduɲ ì be funti la naɲ ì la kaburoolu kono. Furewolu, mennu ye kuu betoolu ke, wolu be wuli la le ka taa saayaakoolaa wulindiroo baluwo to. Furewolu, mennu ye kuu jawoolu ke, wolu be wuli la le ka taa saayaakoolaa wulindiroo halakoo kono.”**

–Yohana 5:28b, 29

*Moolu, mennu faata Kiristu kono, fooloo le be wuli la.*

**“Wo kolaa, ntolu, mennu be baluuriɲ hani sayiɲ, ò niɲ ì be kafu la ñoo ma minaayoolu kono le ka Maariyo benduɲ foñoo kono. Bituɲ ò si tara Maariyo fee fo abadaa.”**

–1 Tesalonikankoolu 4:17





**“A juubee, ate niŋ tawaloolu be naa la, aniŋ ñaalu bee be a je la le.” –Lankenimayaa 1:7b**

I hakiloo tu faniyaa kiristuñoolu to aniŋ faniyaa annabiyomoolu.

**“Bituŋ niŋ moo meŋ ko ali ye ko, ‘a juubee, Alimasiihu fele, waraŋ a hayinaŋ jana,’ ali kana laa wo maarii la. . . Niŋ ì ko ali ye ko, ‘a juubee, a be keñewuloo le kono’, ali kana taa jee, waraŋ niŋ ì ko ‘a juubee, a be konoto laabuŋolu le kono,’ kana laa a la.” –Matiyu 24:23, 26**

### **YEESU BE NAA LA LE SAMBI ANIŋ MINAAYOO ÑOO LA**

**“Duniyaa nasiyoŋolu bee be . . . Moo Dinkewo je la naa kaŋ ka bo saŋo santo minaayoolu kono niŋ sembe baa la, waroo aniŋ horomoo.”**

–Matiyu 24:30b

# **SAAJIIKANTARILAA LA JABUUROO**

**(Jabuura 23)**

**<sup>1</sup>Maariyo mu n na kantarilaa le ti; feŋ te m manki la. <sup>2</sup>A ka n landi le ñaama keroolu kaŋ; a ka n kenken jii tenkeyaariŋo daala. <sup>3</sup>A ka n niyo tankandi le; a ka n kenken sila tilindiŋolu kaŋ a too kamma la.**

**<sup>4</sup>N si taama saayaa wulumbaŋo dibeŋo koto ñaa-wo-ñaa, n te sila la feŋ jawoo la; kaatu ite be m fee le; i la kantarilandokoo niŋ i la taamarandokoo ka n deemaa le. <sup>5</sup>Ite ka taabuloo parendi n ye le n jawoolu ñaatiliŋolu la; ite ka n toloo niŋ tuloo le la n kuŋo to; n na mindaŋo faata le fo a ka boŋ.**

**<sup>6</sup>Tooñaa-tooñaa, beteyaa niŋ balafaa be n nooma la le n na baluwo bee kono; aniŋ m be tara la Maariyo la buŋo le kono fo abadaa.**

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.  
**World Missionary Press, PO Box 120, New Paris, IN 46553-0120 USA**

Sooroo le mu—A manj ke waafitaa ti

[www.wmpress.org](http://www.wmpress.org)

4-17



Read booklets online or by App  
[www.wmp-readonline.org](http://www.wmp-readonline.org)

2274 Mandinka WTG

